



ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ ԳԱՀԱԿԱԼՈՒԹՅԱՆ ՏԱՍՆԱՄՅԱԼԻ ԱՌԹԻՎ ՆՎԵՐՆԵՐ ՄԱՅՐ ԱԹՈՌԻՆ

Ի լրացումն «էջմիածին» ամսագրի 1965 թվականի նոյեմբեր—դեկտեմբեր միացյալ համարի նյութերի, հրապարակում ենք մի շարք կարևոր նվերներ ևս, որոնք սաացվել են Վեհափառ Հայրապետի գահակալության տասնամյակի առթիվ:

Խմբագրությունս շնորհակալությամբ նշում է նախ արժեքավոր նվերները Միլանոյի հայոց գաղութային վարչության նախագահ մեծահարգ տիար Ստեփան Սրապյանի՝ ժեղարի նշանավոր ձեռագիր նկարազարդ լատիններեն Աստվածաշնչի՝ «La Bibbia di Borso D'Este»-ի երկու մեծադիր հատորները, լուսատիպ օրինակներով, և իտալական եկեղեցական արվեստի նմուշ ոսկեզօծ մի սկիզբ: Պր. Ստեփան Սրապյանը միաժամանակ հանդիսանում է Մայր Աթոռի բարերարներից մեկը՝ ի պայծառություն Ս. էջմիածնի կատարած իր կարևոր նվիրատվությամբ, որի համար նա պարգևատրվել է Ամենայն Հայոց Վեհափառ Հայրապետի կողմից Ա. Գրիգոր Լուսավորչի առաջին կարգի ոսկյա ադամանդակուղ շքանշանով:

Հաճույքով նշում ենք նաև այստեղ ունեցող նահայ տաղանդավոր նկարիչ պր. Հրանտ

Ավագյանի 8 յուզաներկ նկարների նվերը, Վեհափառ Հայրապետի գահակալության երջանիկ առիթով Մայր Աթոռ ուղարկված, որոնց մեջ է գտնվում Աստվածամոր մեծադիր նկարը՝ հայկական մանրանկարչության ռեով նկարված:

Նման ուրախ առիթով նշվում է նաև Ռոմի Նիալի հայոց թեմի ուղարկած նվերը՝ արծաթյա մկրտության գեղեցիկ ավազան, ԺԸ գարից, գործ երբեմնի հայաշատ քաղաք Ռոմանի հայ վարպետների:


Շնորհակալությամբ արձանագրում ենք նաև Վեհափառ Հայրապետի գահակալության տասնամյակի առթիվ Երեանից նկարիչ Արա Բեքարյանի նվերը՝ «Վազգեն Կաթողիկոսի օծման պահը Մայր Տաճարում» (1955 թ.) նկարը, ինչպես նաև Մայր Աթոռի միաբանության և պաշտոնեության նվերը՝ «Սայաթ-Նովա», օնիսկի վրա արծաթ փորագրված, գործ ոսկերիչ վարպետ Հ. Հակոբյանի:

Շնորհակալություն բոլոր նվիրատուներին:

«Երանի՜ որ ունիցի յիշատակ ի Ս. էջմիածին»:



ԼԱՏԻՆԵՐԵՆ ԶԵՌԱԳԻՐ ՆԿԱՐԱԶԱՐԴ ՍՍՏԼԱԾԱԾՆՉԻ
 „LA BIBBIA DI BORSO D'ESTE„-Ի ԼՈՒՍՏԱՏԻՊ ՄԻ ԷԶԸ (ԺԵ ԴԱՐ)



ԱՄՏԻՆԵՐԵՆ ԶԵՌԱԳԻՐ ՆԿԱՐԱԶԱՐԴ ԱՍՏՎԱԾԱՇՆԶԻ՝
 'LA BIBBIA DI BORSO D'ESTE'.-Ի ԼՈՒՍԱՏԻՊ ՄԻ ԷԶԸ (ԺԵ ԴԱՐ)։



ՈՍԿԵԶՕՇ ՍԿԻԸ

(Իտալական եկեղեցական արվեստի գործ)



ՄԿՐՏՈՒԹՅԱՆ ԱՐԾԱԹՅԱ ԱՎԱԶԱՆ
(Գործ Ռոմանի հայ ոսկերիչների, 17-րդ դար)



ՍԱԹԱԹ - ՆՈՎԱ
Օմիսկի վրա արծաթ փորագրված
(Գործ ոսկերիչ Հ. Հակոբյանի)